

SAT-KA-LĪ-A (38)

¹Tāi-lī-o· jī-nî, poeh-gêh, Iâ-hô-hoa ê oē lîm-kàu Ēk-to ê sun, Pí-lī-ka ê kiáⁿ, sian-ti Sat-ka-lī-a kóng: ²Iâ-hô-hoa bat toā siū-khì lín ê liát-chó·. ³Só·-í lí tiòh kā in kóng, Bān-kun ê Iâ-hô-hoa án-ni kóng, Lín tiòh oát-túg lâi chhē Goá; Bān-kun ê Iâ-hô-hoa kóng, Goá iáh beh oát-túg--lâi chhē lín; che sī bān-kun ê Iâ-hô-hoa kóng--ê. ⁴Bôh-tit ôh lín ê liát-chó·, chêng ê sian-ti bat kiò in kóng, Bān-kun ê Iâ-hô-hoa án-ni kóng, Lín tiòh hoê-thâu lī-khui lín ê pháiⁿ-lō·, kap lín ê pháiⁿ só·-kiáⁿ; chóng-sī in m̄ àⁿ hī-khang, iā m̄ thiaⁿ Goá; che sī Iâ-hô-hoa kóng--ê. ⁵Lín ê liát-chó· tī toh-lôh ah? Hiah ê sian-ti oē éng-oán oáh-teh mah? ⁶Chóng-sī Goá ê giân-gú, Goá ê lút-lē, Goá só· hoan-hù Goá chiaⁿ ê lô·pók sian-ti--ê, kiám bô kàu-tī lín ê liát-chó· mah? In chiū hoê-thâu kóng, Bān-kun ê Iâ-hô-hoa àn-sng beh chiàu lán ê só·-kiáⁿ só·-choè, si-hêng tī lán, I í-keng chiàu án-ni khoán-thāi lán lah.

⁷Tāi-lī-o· jī-nî cháp-it-gêh, chiū-sī Sè-pā-ték gêh jī-cháp-sì jīt, Iâ-hô-hoa ê oē lîm-kàu Ēk-to ê sun, Pí-lī-ka ê kiáⁿ, sian-ti Sat-ka-lī-a kóng, ⁸Goá mī--sī koan-khoàⁿ, khoàⁿ ah, ū chhít-lâng khiā chhiah-bé khiā tī kē-toē kong-liam-chhiū ê tiong-kan; tī i ê āu-bīn, koh ū chhiah-sek, ng-sek, pēh-sek ê bé. ⁹Goá kóng, Goá ê chú ah, che sī sím-mih? Kap goá kóng ê sù-chiá chiū kā goá kóng, Goá beh chí-sī lí

chai chiaⁿ-ê sī sím-mih. ¹⁰Hit-ê khiā tī kong-liam-chhiū tiong-kan ê lāng in kóng, Che sī Iâ-hô-hoa só· chhe óng-lâi tī toē-chiūⁿ--ê. ¹¹In chiū in hit-ê khiā tī kong-liam-chhiū-tiong Iâ-hô-hoa ê sù-chiá kóng, Goá í-keng óng-lâi tī toē-chiūⁿ, khoàⁿ ah, choân-toē an-jiân pīn-tiāⁿ. ¹²Tùi án-ni Iâ-hô-hoa ê sù-chiá in kóng, Bān-kun ê Iâ-hô-hoa ah, Lí siū-khì Iâ-lō·sat-léng kap Iū-tāi chiaⁿ ê siāⁿ, í-keng chhit-cháp nî; Lí bô si lín-bín beh kàu tī-sī ah? ¹³Iâ-hô-hoa chiū ēng hó-oē an-ùi ê oē, in hit-ê kap goá kóng-oē ê sù-chiá. ¹⁴Kap goá kóng-oē ê sù-chiá tùi goá kóng, Lí tiòh chhut-siaⁿ kóng, Bān-kun ê Iâ-hô-hoa án-ni kóng, Goá ūi-tiòh Iâ-lō·sat-léng, ūi-tiòh Sek-an, jiát-sim kàu-kék. ¹⁵Goá chin siū-khì hiah-ê an-jiân khiā-khí ê liát-kok; in-ùi Goá chêng chí-ū sió-khoá siū-khì, in chiū ke-thiⁿ i ê kan-khó·. ¹⁶Só·-í Iâ-hô-hoa án-ni kóng, Taⁿ Goá tò-túg-lâi Iâ-lō·sat-léng, si lín-bín; Goá ê tiān beh koh khí tī hit tiong-kan, chin-soh beh khan tī Iâ-lō·sat-léng ê téng-bīn; che sī bān-kun ê Iâ-hô-hoa kóng--ê. ¹⁷Lí tiòh koh chhut-siaⁿ kóng, Bān-kun ê Iâ-hô-hoa án-ni kóng, Goá chiaⁿ ê siāⁿ, beh koh hong-sēng hoat-tát; Iâ-hô-hoa beh koh an-ùi Sek-an, koh keng-soán Iâ-lō·sat-léng.

¹⁸Goá kiáh-bák koan-khoàⁿ, khoàⁿ ah, ū sī ki kak. ¹⁹Goá chiū m̄ng kap goá koén-oē ê sù-chiá kóng, chiaⁿ-ê sī sím-mih? I in goá kóng,

Chiah-ê chiū-sī phah-soàⁿ Iû-tāi Í-sek-liát kap Iâ-lō·sat-léng chiah ê kak. ²⁰Iâ-hô-hoa koh hō· goá khoàⁿ-kìⁿ sî ê sai-hū; goá kóng, In lâi beh choè sím-mih? I in kóng, Hiah-ê sī phah-soàⁿ Iû-tāi ê kak, hō· lāng m̄-káⁿ kiáh-thâu; chóng-sī chiah ê sai-hū lâi sī beh hō· in kiaⁿ, phah-tó liát-kok ê kak, chiū-sī bat kú-khí in ê kak kong-kek Iû-tāi hō· i sî-soàⁿ--ê.

2 Goá koh kiáh-bák koan-khoàⁿ, khoàⁿ ah, ū chit-lāng chhiú thêh chin-soh; ²goá kóng, Lí beh khi toh-lóh? I ká goá kóng, Beh khi niú Iâ-lō·sat-léng, khoàⁿ i ū joā-khoah, ū joā-tng. ³Khoàⁿ ah, kap goá kóng-oē ê sù-chiá chhut-khì, koh ū chit-ūi sù-chiá chhut-lâi ngiá-chih i, ⁴tui i kóng, Lí cháu--khì ká hit ê siàu-liân lāng kóng, kóng, Iâ-lō·sat-léng beh ū lāng khiā-khí, chhin-chhiūⁿ bô siâⁿ-chhiūⁿ ê huiⁿ-lí, in-ūi hit tiong-kan lāng kap cheng-siⁿ chin-choē. ⁵Iâ-hô-hoa kóng, Goá beh choè i sî-ūi ê hé-siâⁿ, Goá iáh beh choè in tiong-kan ê êng-kng.

⁶Iâ-hô-hoa kóng, Eh! Eh! lín tióh tui pak-hng ê toē tô-cháu, in-ūi Goá í-keng sî-soàⁿ lín, chhin-chhiūⁿ tī thiⁿ--nih sî-bīn ê hong; che sī Iâ-hô-hoa kóng--ê. ⁷Eh! Sek-an ah, kap Pa-pí-lūn ê peh-siⁿ khiā-khí--ê ah, lí tióh tô-thoat. ⁸Bān-kun ê Iâ-hô-hoa kóng, Tī êng-kng ê liáu-āu, chhe goá kàu hiah-ê chhiúⁿ-liáh lín ê liát-kok; hoān-tiòh lín--ê sī hoān-tiòh I bák-chiu-tiong ê tông-chú. ⁹Khoàⁿ ah, Goá beh tī in ê téng-bīn bú Goá ê chhiú, in chiū beh hō· in ê lô·pók chhiúⁿ-kiap, lín chiū chai bān-kun ê Iâ-hô-hoa chhe goá lah. ¹⁰Sek-an ê peh-siⁿ ah, tióh chhiūⁿ-koa hoaⁿ-hí; khoàⁿ ah, in-ūi Goá beh lâi, beh tiàm tī lín tiong-kan; che sī Iâ-hô-hoa kóng--ê. ¹¹Hit-jit beh ū choē-choē kok kui-oá Iâ-hô-hoa, choè Goá ê peh-siⁿ; koh Goá beh tiàm-tī lí ê tiong-kan, lí

chiū chai bān-kun ê Iâ-hô-hoa chhe goá kàu lí hia. ¹²Iâ-hô-hoa beh tit-tiòh Iû-tāi choè I ê giáp tī sèng-toē; iáh beh koh keng-soán Iâ-lō·sat-léng. ¹³Kìⁿ-nā ū hiat-khì--ê, tī Iâ-hô-hoa ê bīn-chêng lóng tióh chēng-chēng; in-ūi I tui sèng ê só·chāi khí--lâi.

3 I koh hō· goá khoàⁿ-kìⁿ chè-si-thâu Iok-su-a khiā tī Iâ-hô-hoa sù-chiá ê bīn-chêng, Sat-tàn iáh khiā tī i ê chiāⁿ-pēng, choè i ê tui-ték. ²Iâ-hô-hoa tui Sat-tàn kóng, Sat-tàn ah, Iâ-hô-hoa chek-pī lí, chiū-sī keng-soán Iâ-lō·sat-léng ê Iâ-hô-hoa chek-pī lí; che kiám-m̄-sī tui hé-tiong puih--chhut-lâi ê chit tè chhā mah? ³Iok-su-a chhēng ù-oē ê saⁿ, khiā tī sù-chiá ê bīn-chêng. ⁴I in khiā tī i ê bīn-chêng-ê kóng, Lín tióh thng i ù-oē ê saⁿ. Koh tui i kóng, Khoàⁿ ah, Goá hō· lí thoat-lí lí ê choē-ok, beh hō· lí chhēng súi ê saⁿ. ⁵Goá koh kóng, Êng súi ê bô tī tī i ê thâu-khak; in chiū êng súi ê bô tī tī i ê thâu-khak, ká i chhēng-saⁿ; Iâ-hô-hoa ê sù-chiá khiā tī piⁿ-á. ⁶Iâ-hô-hoa ê sù-chiá keng-kai Iok-su-a kóng, Bān-kun ê Iâ-hô-hoa án-ni kóng, Lí nā kiāⁿ Goá ê lô·, siú Goá só· kau-thok lí--ê, lí chiū thang khoán-lí Goá ê ke, kò-siú Goá ê iⁿ; Goá iáh beh hō· lí tī chiah-ê khiā-teh ê lāng tiong-kan ū chhut-jip ê lô·. ⁸Chè-si-thâu Iok-su-a ah, lí kap chē tī lí ê bīn-chêng ê tâng-phoāⁿ lóng tióh thiaⁿ; in sī choè tiau-thâu ê lāng; khoàⁿ ah, Goá beh hō· Goá ê lô·pók chheng-choè Chhiū-ki--ê lâi. ⁹Khoàⁿ ah, Goá só· hē tī Iok-su-a bīn-chêng ê chiòh, tī chit tè chiòh ū chhit lúi bák-chiu; bān-kun ê Iâ-hô-hoa kóng, Khoàⁿ ah, Goá beh tiau-khek só· tiau-khek--ê, iáh beh tī chit-jit ê tiong-kan tū-khì chit ê toē-hng ê choē-ok. ¹⁰Tng hit-jit, lín ták-lāng beh chhiáⁿ chhiū-piⁿ lâi kàu phû-tô-chhiū-ē, kap bû-hoa-kó chhiū-ē; che sī bān-kun ê Iâ-

hồ-hoa kóng--ê.

4 Hit-ê kap goá kóng-oē ê sù-chiá koh lâi kiò goá chhiⁿ, chhin-chhiūⁿ lāng teh khùn siū kiò-chhiⁿ chit-iūⁿ. ²I ká goá kóng, Lí khoàⁿ-kìⁿ sím-mih? Goá kóng, Goá khoàⁿ-kìⁿ, khoàⁿ ah, ũ chit ê teng-tâi, sī kui-ki ēng kim choè--ê, téng-bīn ũ chit-ê iū-kūi, teng-tâi téng ũ chhit choáⁿ teng; téng-bīn ê teng-choáⁿ, ũ chhit-tiâu-kng; koh ũ nng-chang ê kaⁿ-ná-chhiū, chit-chang tī iū-kūi ê chiān-pēng, chit-chang tī iū-kūi ê tò-pēng. ⁴Goá mng kap goá kóng-oē ê sù-chiá kóng, Goá ê chú ah, chia-ê sī sím-mih? ⁵Kap goá kóng-oē ê sù-chiá in goá kóng, Lí m-chai chia-ê sī sím-mih mah? Goá kóng, Goá ê chú ah, goá m-chai. ⁶I in goá kóng, Che sī Iâ-hô-hoa hoan-hù Sô·lô-pa-pek ê oē kóng, M-sī ēng koan-sè, m-sī ēng lêng-lèk, chiū-sī ēng goá ê Sīn; che si bān-kun ê Iâ-hô-hoa kóng--ê. ⁷Toā-soaⁿ ah, lí sī sím-mih? tī Sô·lô-pa-pek ê bīn-chēng, lí beh chiāⁿ-choē pīⁿ-toē; i beh hō·chhù-kak-thâu ê chiòh chhut-lâi, koh ũ toā hoaⁿ-hí ê siaⁿ kiò kóng, Un-hūi, un-hūi kui i. ⁸Iâ-hô-hoa ê oē koh līm-kàu goá kóng, ⁹Sô·lô-pa-pek ê chhiú ũ hē chit keng tiān ê toē-ki, i ê chhiú iah beh oân chit ê kang, lí chiū chai bān-kun ê Iâ-hô-hoa chhe goá kàu lín chia. ¹⁰Chī-chūi khoàⁿ-khin chit ê sió-khoá sū ê jīt ah? Chí chhit-ê sī Iâ-hô-hoa ê bāk-chiū, óng-lâi tī choân-toē, khoàⁿ-kìⁿ Sô·lô-pa-pek ê chhiú thèh chin-soàⁿ, chiū hoaⁿ-hí.

¹¹Goá koh mng i kóng, Chit ê teng-tâi chó-iū nng chang kaⁿ-ná-chhiū sī sím-mih ì-sù?

¹²Goá koh mng i kóng, Kaⁿ-ná-chhiū ê nng-ki, tui nng-tiâu kim ê kng lâu-chhut kim-iū, sī sím-mih ì-sù? ¹³I in goá kóng, Lí m-chai chia-ê sī sím-mih ì-sù mah? Goá kóng, Goá ê chú ah, goá m-chai. ¹⁴I kóng, Che sī nng

ê siū-boah-iū--ê, khiā tī phó· thiⁿ-ē ê Chú ê pīⁿ-á.

5 Goá koh kiáh-bāk khoàⁿ-kìⁿ ũ chit pak chhak teh pe. I ká goá kóng, Lí khoàⁿ-kìⁿ sím-mih? Goá in kóng, Goá khoàⁿ-kìⁿ chit pak chhak teh pe; i ê tng jī-chap tiú, khoa cháp-tiú. ³I chiū tui goá kóng, Chit-ê sī chhut-khì kàu choân-toē-chiūⁿ ê chiū-chó; kīⁿ-nā thau-thèh-ê, beh chiàu chit-pak ê chit-pēng tū-biát i; kīⁿ-nā chiū-choā-ê beh chiàu chit-pak ê hit-pēng tū-biát i. ⁴Bān-kun ê Iâ-hô-hoa kóng, Goá beh hō· i chhut-khì, i beh jlp thau-thèh ê lāng ê chhù, iā jlp kí Goá ê miā lām-sám chiū-choā ê lāng ê chhù; beh toā tī i ê chhù-lāi húi-biát i, í-kíp i ê chhā i ê chiòh.

⁵Kap goá kóng-oē ê sù-chiá chhut-lâi tui goá kóng, Lí tiòh kiáh-bāk khoàⁿ chit ê chhut-lâi-ê sī sím-mih. ⁶Goá kóng, Che sī sím-mih ah? I kóng, Chit-ê sī chhut-khì ê i-hoat. I koh kóng, Tī choân-toē ê lāi-bīn, in ê hēng-chōng sī án-ni; ⁷khoàⁿ ah, ũ chit-phīⁿ iⁿ ê iân siū kú-khí; koh ũ hū-jīm-lāng chē tī i-hoat ê lāi-bīn. ⁸I kóng, Chit-ê sī choē-ok; chiū chiong i hiat tī i-hoat ê lāi-bīn; iā chiong hit phīⁿ ê iân khām tī i-hoat ê chhùi. ⁹Goá koh kiáh-bāk khoàⁿ; khoàⁿ ah, ũ nng ê hū-jīm-lāng chhut-lâi, tī in ê sít ũ hong; in ê sít chhin-chhiūⁿ hōh ê sít; in chiong i-hoat kng--khí-lâi tī thiⁿ kap toē ê tiong-kan. ¹⁰Goá tui kap goá kóng-oē ê sù-chiá kóng, In kng i-hoat khì toh-lòh? ¹¹I ká goá kóng, Beh ká i khí chhù tī Sī-ná toē; chhù nā piān, chiū chiong i an-tì tī ka-kī ê só·chāi.

6 Goá koh kiáh-bāk khoàⁿ, khoàⁿ ah, ũ sī tiuⁿ chhia tui nng ê soaⁿ-phāng chhut-lâi, hiah ê soaⁿ sī tâng ê soaⁿ. ²Thâu-chit-tiuⁿ chhia koà chhia-bé; tē-jī-tiuⁿ chhia koà o·bé; ³tē-saⁿ-tiuⁿ chhia koà pēh-bé; tē-si-tiuⁿ

chhia koà hoe-pan íong ê bé. ⁴Goá chiū in, tùi kap goá kóng-oē ê sù-chiá kóng, Goá ê chú ah, chiah-ê sī sím-mih? ⁵Sù-chiá in goá kóng, Chiah-ê chiū-sī thiⁿ sì-bīn ê hong; khiā tī choân-toē ê chú ê bīn-chêng, taⁿ tùi-hia chhut-lâi. ⁶Koà o·bé ê chhia chhut-khì pak-hng; pèh-bé tè i ê āu-bīn; hoe-pan ê bé chhut-khì lâm-hng. ⁷Íong ê bé chhut-lâi, ài-beh tī choân-toē kiāⁿ-lâi kiāⁿ-khì; i kóng, Choè lín khì, tī choân-toē kiāⁿ-lâi kiāⁿ-khì; in chiū tī choân-toē kiāⁿ-lâi kiāⁿ-khì. ⁸I kiò goá, ká goá kóng, Khoàⁿ ah, khì pak-hng-ê í-keng tī pak-hng an goá ê sim.

⁹Iâ-hô-hoa ê oē lîm-kàu goá kóng, ¹⁰Lí tiòh tùi hiah ê siū-liáh ê lîng ê tiong-kan, chiū-sī tùi Hek-tâi, tùi To-pí-ngá, tùi Iâ-tâi-ngá niá-siū kim-gûn; koh tī hit-jît lí tiòh jîp--khì Se-hoan-ngá ê kiáⁿ Iok-se-a ê chhù, chiū-sī in tùi Pa-pí-lûn tò-túg-lâi só· kàu ê chhù; ¹¹niá-siū kim-gûn choè bián-liû, tī tī Iok-sat-tap ê kiáⁿ, chè-si-thâu Iok-su-a, ê thâu-khak; ¹²tùi i kóng, Bân-kun ê Iâ-hô-hoa án-ni kóng, Khoàⁿ ah, hit ê chheng-choè Chhiū-ki ê lîng, i beh tùi i ê kun-thâu hoat--khí-lâi, iā beh khí Iâ-hô-hoa ê tiān; ¹³i beh khí Iâ-hô-hoa ê tiān, i iā beh tit-tiòh êng-kng, chē i ê pó-chō lîi tī-lí, iā beh tī i ê pó-chō choè chè-si; tī in nng-ê ê tiong-kan ū hô-pêng ê kè-ék. ¹⁴Bián-liû beh kui tī Hi-liân, To-pí-ngá, Iâ-tâi-ngá, kap Se-hoan-ngá ê kiáⁿ Hiân, hē tī Iâ-hô-hoa ê tiān choè kì-liām. ¹⁵Hng ê lîng iā beh lîi, ū hūn tī khí Iâ-hô-hoa ê tiān; lín chiū chai bân-kun ê Iâ-hô-hoa chhe goá kàu lín chia. Lín nā chù-ì thiaⁿ-thàn Iâ-hô-hoa, lín ê Siōng-tè ê oē, chiū beh ū chit ê tãi-chì.

7 Tãi-lī-o· ông sì-ni káu-gêh, chiū-sī Ki-su-liû gêh, chhoe sì, Iâ-hô-hoa ê oē lîm-kàu Sat-ka-lī-a. ²Hit-sī Pek-ték-lī lîng í-keng chhe Sa-

lī-sek kap Lī-kian-bí-lék kap tè in ê lîng khi kiū-un tī Iâ-hô-hoa, ³iā mng bân-kun ê Iâ-hô-hoa tiān-lâi ê chè-si í-klp sian-ti kóng, Goá lèk-ni í-lâi tī gō·gêh-kan thi-khau ka-kī hun-piat, taⁿ iáu-kú tiòh án-ni kiāⁿ mah? ⁴Bân-kun ê Iâ-hô-hoa ê oē lîm-kàu goá kóng, ⁵Lí tiòh ká chit só·-chāi ê chêng peh-siⁿ kap chè-si kóng, Lín chhit-cháp nī kú, tī gō·gêh chhit-gêh kìm-chiáh pī-ai kiám-sī ūi-tiòh Goá, ūi-tiòh Goá, kìm-chiáh mah? ⁶Lín hék-sī chiáh hék-sī lîm, kiám m̄-sī lín teh-chiáh, lín teh-lîm mah? ⁷Tng Iâ-lō·sat-léng kap sì-ūi ê siāⁿ ū khiā-khí ê peh-siⁿ koh hong-sēng, lâm-hng kap pīⁿ-iūⁿ ū lîng khiā-khí ê sì, Iâ-hô-hoa thok-tiōng chêng ê sian-ti só· soan-thoân ê oē, lín kiám-m̄-tiòh thiaⁿ mah?

⁸Iâ-hô-hoa ê oē koh lîm-kàu Sat-ka-lī-a kóng, Bân-kun ê Iâ-hô-hoa bat án-ni kóng, ⁹Tiòh chiàu chin-sit ê kong-pêng lîi sím-phoàⁿ, tãi-ke ēng chū-ài lín-bín lîi saⁿ khoán-thāi; ¹⁰m̄-thang khi-hū koáⁿ-hū ko·-jī, chhut-goā lîng, kap sòng-hiong lîng; m̄-thang sim-lâi kè-bô· pháiⁿ-tâi lîi saⁿ-hām-hāi. ¹¹Chóng-sī in m̄-khéng thiaⁿ-thàn, oát-túg keng-thâu poē-gék, that-bát in ê hī-khang tì-kàu boē thiaⁿ. ¹²Koh hō· in ê sim ngī chhin-chhiūⁿ soān-chiòh, bián-tit thiaⁿ lút-hoat, kap bân-kun ê Iâ-hô-hoa ēng I ê Sîn thok chêng ê sian-ti só· kóng ê oē; só·-í bân-kun ê Iâ-hô-hoa toā-toā hoat siū-khì. ¹³In-ūi I bat kiò, in m̄-thiaⁿ án-ni in beh kiò, Goá iā m̄-thiaⁿ; che sī bân-kun ê Iâ-hô-hoa kóng--ê; ¹⁴nā-sī Goá beh ēng kúg-lê-hong chhe-soàⁿ in kàu in só· m̄-bat ê liát-kok. Án-ni chit ê toē tī in khi ê liáu-āu pīⁿ-choè pha-hng, tì-kàu bô lîng óng-lâi keng-kè; in-ūi in hō· thang hoaⁿ-hí ê toē pha-hng lah.

8 Bân-kun ê Iâ-hô-hoa ê oē lîm-kàu kóng,

Băn-kun ê Iâ-hô-hoa án-ni kóng, Goá ũi-tiòh Sek-an kék-kî jiát-sim, Goá ũi-tiòh i jiát-sim, hoat-chhut toā siū-khì. ³Iâ-hô-hoa án-ni kóng: Goá taⁿ tò--lâi Sek-an, beh tiàm tī Iâ-lō·sat-léng ê tiong-kan; Iâ-lō·sat-léng beh chheng-choè Sêng-sít ê siâⁿ; bân-kun ê Iâ-hô-hoa ê soaⁿ beh chheng-choè Sêng ê soaⁿ. ⁴Băn-kun ê Iâ-hô-hoa án-ni kóng: Chiong-lâi beh ũ lâu ê ta-po·lâng lâu ê hū-jîn-lâng chē tī Iâ-lō·sat-léng khoah ê koe-lō, in-ũi nĩ-lâu ták-ê kiáh koáiⁿ-á. ⁵Siâⁿ-lâi khoah ê koe-lō beh ũ ta-po· gín-ná cha-bó· gín-ná moá-moá thit-thô tī hit ê koe-lō-tiong. ⁶Băn-kun ê Iâ-hô-hoa án-ni kóng, Tng-jít só· chhun ê peh-siⁿ khoàⁿ che choè kī-koài, Goá kiám iā khoàⁿ choè kī-koài mah? Che sī bân-kun ê Iâ-hô-hoa kóng--ê. ⁷Băn-kun ê Iâ-hô-hoa án-ni kóng: Khoàⁿ ah, Goá beh kiù Goá ê peh-siⁿ tui jít-chhut ê só·chāi iā tui jít-lòh ê só·chāi tò--lâi; ⁸Goá beh chhoā in lâi, in beh khiā-khí tī Iâ-lō·sat-léng ê tiong-kan; in beh choè Goá ê peh-siⁿ, Goá beh choè in ê Siōng-tè, pîn sêng-sít kap kong-gī.

⁹Băn-kun ê Iâ-hô-hoa án-ni kóng: Tng hē bân-kun ê Iâ-hô-hoa ê chhū ê toē-kī, thang khí tiān-tng, hit-jít sian-ti só· kóng ê oē, hiān-chāi lín thiaⁿ-kìⁿ, taⁿ tiòh íong-chòng lín ê chhiú. ¹⁰Hit-jít í-chêng lâng bô tit-tiòh kang-chíⁿ, chheng-siⁿ iā bô tit-tiòh kang-chíⁿ, koh in-ũi tui-ték ê iân-kò, chhut-jíp ê lâng bô tit-tiòh pêng-an; in-ũi Goá hō· chêng-lâng saⁿ kong-kek. ¹¹Chóng-sī Goá taⁿ khoán-thāi chiaⁿ ê chhun ê peh-siⁿ bô beh chhin-chhiūⁿ chêng ê jít; che sī bân-kun ê Iâ-hô-hoa kóng--ê. ¹²In-ũi beh ũ pêng-an ê chéng-chí, phû-tô-chhiū beh kiát ké-chí, toē beh chhut thó·sán, thiⁿ beh lóh lō·chúi; Goá beh hō· chiaⁿ ê chhun ê peh-siⁿ sêng-siū chiaⁿ-ê it-

chhè. ¹³Iû-tāi ke kap Í-sek-liát ke ah, chêng tī liát-kok-tiong ín-khí lín lâi chiù-chó·, án-ni goá beh chín-kiù lín, hō· lâng ín-khí lín lâi chiok-hok; lín bôh-tit kiaⁿ, lín ê chhiú tiòh íong-chòng. ¹⁴In-ũi bân-kun ê Iâ-hô-hoa án-ni kóng: Lín ê liát-chó· jiá Goá ê siū-khí ê sī, Goá siūⁿ beh kàng chai-ē tī lín, iā bô thè-hoé; taⁿ Goá iā án-ni siūⁿ beh si-un hō· Iâ-lō·sat-léng kap Iû-tāi ke; lín bôh-tit kiaⁿ; che sī Iâ-hô-hoa kóng--ê. ¹⁶Lín só· eng-kai kiāⁿ-ê sī án-ni: Ták-lâng kap chhū-piⁿ kóng-oē sêng-sít; tī lín ê siâⁿ-mng kiāⁿ sêng-sít kap hô-pêng ê sim-phoàⁿ; ¹⁷sim-lāi m̄-thang kè-bô· pháíⁿ-tāi, hāi chhū-piⁿ; m̄-thang ài lām-sám chiù-choā; in-ũi chiaⁿ ê sū lóng sī Goá só· oàn-hūn--ê; che sī Iâ-hô-hoa kóng--ê.

¹⁸Băn-kun ê Iâ-hô-hoa ê oē līm-kàu goá kóng, ¹⁹Băn-kun ê Iâ-hô-hoa án-ni kóng: Sî-gêh ê kìm-chiáh, gō·gêh ê kìm-chiáh, chhit-gêh ê kìm-chiáh, chap-gêh ê kìm-chiáh, tī Iû-tāi ke beh choè hoaⁿ-hí khoài-lók, tek-ì ê choeh-kí; só·í lín tiòh ì-ài sêng-sít kap hô-pêng. ²⁰Băn-kun ê Iâ-hô-hoa án-ni kóng: Chiong-lâi ũ liát-kok ê lâng kap choē-choē siâⁿ khiā-khí ê peh-siⁿ beh kàu; ²¹khiā-khí chit ê siâⁿ ê peh-siⁿ beh kàu hit ê siâⁿ, kóng, Lán tiòh kín-kín khi kiū Iâ-hô-hoa ê un, khi chhē bân-kun ê Iâ-hô-hoa; lūn-kàu goá, goá iā beh khi. ²²Beh ũ choē-choē peh-siⁿ kap kiông-toā ê kok lâi Iâ-lō·sat-léng chhē bân-kun ê Iâ-hô-hoa, kiū Iâ-hô-hoa ê un. ²³Băn-kun ê Iâ-hô-hoa án-ni kóng: Tng hiah ê jít tui liát-kok bân-chók-tiong beh ũ chap-lâng khiⁿ chit ê Iû-tāi lâng ê saⁿ-á-ku, khiⁿ i, kóng, Goán beh kap lín saⁿ-kap khi, in-ũi goán thiaⁿ-kìⁿ Siōng-tè kap lín tī-teh.

9 Iâ-hô-hoa bék-sī ê oē kàu tī Hap-tek-láh, iā beh thêng-hioh tī Tāi-má-sek; (in-ũi

sè-kan lāng kap Í-sek-liát ták chi-phài ê bák-chiu lóng òng Iâ-hô-hoa), kap oá-kūn ê Hap-má; ²Í-kíp Chhui-lô Se-tùn, in-ūi i ū toā tì-hui. ³In-ūi Chhui-lô ūi ka-kī khí oē-só, chek-chū gūn chhin-chhiūⁿ thô-soa, chek-chū hó-kim chhin-chhiūⁿ koe-lō̄ ê thô-bê. ⁴Khoàⁿ ah, Chú beh koáⁿ i chhut, iā beh pāi-hoāi i ê hái-koan; i beh hō̄ hé sio-biát. ⁵A-sit-ki-lūn beh khoàⁿ-kìⁿ lâi kiaⁿ; Ka-sat khoàⁿ-kìⁿ, iā chin kan-khó; Í-kek-lūn iā khoàⁿ-kìⁿ, in-ūi sit-bāng lâi kiàn-siàu; Ka-sat tek-khak bô koh ū kun-ông, A-sit-ki-lūn bô lāng khiā-khí. ⁶Cháp-chéng-lāng beh khiā-khí tī A-sit-tút; Goá beh tū-biát Hui-lī-sū lāng ê kiau-ngō. ⁷Goá beh tū-khì i chhui-lāi kâⁿ huìh ê bah, kap i chhui-khí tiong khó-òⁿ ê mih; i sóⁿ chhun ê lāng beh kui lán ê Siōng-tè; i beh tī Iū-tāi chhin-chhiūⁿ chók-tiúⁿ; Í-kek-lūn beh chhin-chhiūⁿ Iâ-pòⁿ-su ê lāng. ⁸Goá beh chat-iāⁿ ūi Goá ê chhù, tí-tng kun-peng. tì-kàu bô lāng óng-lâi; pō-giók ê lāng iā bô tui in hia keng-kè; in-ūi Goá taⁿ chhin-bák khoàⁿ-kìⁿ i.

⁹Sek-an ê cha-bóⁿ-kiáⁿ ah, tiòh toā-tim hoá-hí, Iâ-lō̄-sat-léng ê cha-bóⁿ-kiáⁿ ah, tiòh chhut hoaⁿ-hí ê siaⁿ; khoàⁿ ah, lí ê ông lâi chiū-kūn lí; i sī kong-gī koh kiáⁿ chín-kiù, un-jiū, koh khiā-lū kap lū sóⁿ siⁿ ê lū-á-kiáⁿ.

¹⁰Goá beh tū-khì Í-hoat-liân ê chiàn-chhia kap Iâ-lō̄-sat-léng ê chiàn-bé, kau-chiàn ê keng iā beh tū-khì; I beh tui liát-kok thoân hô-pêng; I ê koân-pêng beh tui chit ê hái kàu hit ê hái, tui Toā-hô kàu toē-kék. ¹¹Lūn-kàu lí, Goá ēng lí ê iok ê huìh, tháu-pàng lí hiah ê siū-liáh-khì koaiⁿ ê lāng chhut bô chúⁱ ê chíⁿ. ¹²Lín hiah ê siū-liáh-khì koaiⁿ iā ū òng-bāng ê lāng ah, tiòh tò-lâi oē-só; Goá kin-á-jit thoân-pò, beh ka-pē hēng lí.

¹³Goá ēng Iū-tāi choē Goá sóⁿ bán ê keng,

ēng Í-hoat-liân choē an tī keng ê chìⁿ; Sek-an ah, Goá beh kek-tōng lí ê peh-sìⁿ kong-kek Ngá-oân ê peh-sìⁿ, hō̄ lí chhin-chhiūⁿ ióng-sū ê to-kiàm. ¹⁴Iâ-hô-hoa beh chhut-hiân tī in ê téng-bīn; I ê chìⁿ beh siā-chhut chhin-chhiūⁿ sih-ná; Chú Iâ-hô-hoa beh pūn sàu-kak, chē lām-hng ê kúg-lê-hong lâi kiāⁿ. ¹⁵Bān-kun ê Iâ-hô-hoa beh pó-hō̄ in; in beh thun-biát tui-ték, thún-táh sóⁿ hiat-lâi ê chiòh; in beh lim lâi hoah, chhin-chhiūⁿ lim-chiú; in beh chhin-chhiūⁿ toē-moá ê oáⁿ, chhin-chhiūⁿ toāⁿ-téng hiah ê kak. ¹⁶Hit-jit Iâ-hô-hoa in ê Siōng-tè beh chín-kiù in, chhin-chhiūⁿ I ê peh-sìⁿ ê iūⁿ-kūn; in-ūi in beh chhin-chhiūⁿ bián-liū ê pó-chiòh, kú-khí koaiⁿ-koaiⁿ tī I ê toē-chiūⁿ. ¹⁷I ê jîn-chū toā kàu cháiⁿ-iūⁿ! I ê súi hó-khoàⁿ kàu cháiⁿ-iūⁿ! ngóⁿ-kok beh hō̄ siàu-liân lāng ióng-kiāⁿ, sin-chiú hō̄ chāi-sek-lú iā án-ni.

10 Tng chhun-thiⁿ ê hō̄ ê sí lín tiòh tui Iâ-hô-hoa kiū hō̄, chiū-sī hoat-chhut sih-ná ê Iâ-hô-hoa; I beh kā in lōh choē-choē chūn ê hō̄, hō̄ ták-lāng ū chhân-hūg ê chhài-soe. ²In-ūi ke-lāi ê ngóⁿ-siōng kóng pēh-chhát, chiam-pok-ê khoàⁿ hu-ké, kóng bô-iáⁿ-chiaⁿ ê bāng, khang-khang an-tui lāng; sóⁿ-í in bê-lō̄ chhin-chhiūⁿ iūⁿ; koh in-ūi bô bók-chiá, tì-kàu siū khùn-khó.

³Goá ê siū-khì tui hiah ê bók-chiá hoat-choh, Goá iā beh pān-lí hiah ê kang ê soaⁿ-iūⁿ; in-ūi bān-kun ê Iâ-hô-hoa khoàⁿ-kòⁿ I ê iūⁿ-kūn, chiū-sī Iū-tāi ke, hō̄ in chhin-chhiūⁿ I ê hó-bé tī chiàn-tim. ⁴Chhù-kak-chiòh tui I chhut, kian-kòⁿ ê teng iā tui I chhut, kau-chiàn ê keng iā tui I chhut, chiaⁿ ê chiáng-koân-ê iā tui I chhut. ⁵In beh chhin-chhiūⁿ ióng-sū, tī chiàn-tim táh tui-ték tī koe-lō̄ ê thô-bê-tiong; in beh kau-chiàn, in-ūi Iâ-hô-hoa kap in tī-teh; kìⁿ-nā khiā-bé-ê bô m̄ kiàn-

siàu. ⁶Goá beh kian-kò· Iû-tâi ke, chín-kiù Iok-sek ê ke; beh chhoā in tò--lâi, in-ūi Goá lîn-bín in; in beh chhin-chhiūⁿ Goá bē-bat khi-sak in ê khoán; in-ūi Goá sī Iâ-hô-hoa in ê Siōng-tè, Goá beh thiàⁿ in. ⁷Í-hoat-liân beh chhin-chhiūⁿ íóng-sū; in ê sim hoaⁿ-hí, chhin-chhiūⁿ lim-chhiú; in ê kiáⁿ-jī beh khoàⁿ-kìⁿ lâi hoaⁿ-hí; in ê sim beh in-ūi Iâ-hô-hoa khoài-lók. ⁸Goá beh chhut kháu-hō, lâi chū-chíp in; in-ūi Goá í-keng kiù-siók in, in beh ke-thiⁿ chhin-chhiūⁿ in chêng ê ke-thiⁿ. ⁹Goá sui-jian sî-soàⁿ in tī liát-kok-tiong, in beh tī hng ê só·-chāi kì-liām Goá; in kap in ê kiáⁿ-jī lóng beh oah--teh, koh tò--lâi. ¹⁰Goá beh koh hō· in tui Ai-kíp tò--lâi, chū-chíp in chhut A-sút; chhoā in kàu Ki-liát toē kap Lī-pa-lùn; iā bô kàu-giáh só·-chāi thang hō· in khiā-khí. ¹¹I beh keng-kè khó·-lân ê hái, kong-kek hái-tiong ê pho-lōng; Nî-lô hô chhim ê só·-chāi beh lóng ta--khì; A-sút ê kiau-ngō· beh kàng-kē, Ai-kíp ê koân-pèng beh bô--khì. ¹²Goá beh hō· in tī Iâ-hô-hoa íóng-chòng; koh thok I ê miā kiāⁿ-lâi kiāⁿ-khì; che sī Iâ-hô-hoa kóng--ê.

11 Lī-pa-lùn ah, lí tiòh khui lí ê mng, hō· hé thang sio-biát lí ê pek-hiuⁿ-chhiū. ²Siōng-chhiū ah, lín tiòh háu, in-ūi pek-hiuⁿ-chhiū í-keng tó, súi ê chhiū í-keng húi-hoāi; Pa-san ê siōng-chhiū ah, lín tiòh háu, in-ūi bō·-sēng ê chhiū-nâ í-keng soe-pāi. ³Thiaⁿ ah, ū bók-chiá teh háu, in-ūi in ê êng-iāu húi-hoāi lah; thiaⁿ ah, ū íóng ê sai hām-hām-háu, in-ūi Iok-tàn hô-piⁿ ê chhiū-nâ hong-hoē lah. ⁴Iâ-hô-hoa, goá ê Siōng-tè, án-ni kóng: Beh thâi ê iūⁿ-kūn lí tiòh chhi; boé in-ê thâi in, ka-kī liáh-choē bô choē; boē in-ê kóng, Iâ-hô-hoa sī eng-kai o-ló--ê, in-ūi goá hó-giáh lah; in ê bók-chiá iā bô lîn-bín in. ⁶Iâ-hô-hoa kóng, Goá bô koh lîn-bín chit só·-chāi khiā-khí ê peh-siⁿ;

khoàⁿ ah, Goá beh chiong in tak-lâng kau tī in chhū-piⁿ ê chhiú, iā tī i ê ông ê chhiú; in beh phah chit ê toē-hng; Goá iā bô beh kiù peh-siⁿ thoat-lī in ê chhiú. ⁷Tui án-ni goá chhi beh thâi ê iūⁿ-kūn, chiū-sī iūⁿ-kūn-tiong tē-it khùn-khó--ê. Goá ka-kī chhiú nng ki koáiⁿ-á, chit-ki kiò-choē Un-hui, chit-ki kiò-choē Liân-lók, lâi chhi chit ê iūⁿ-kūn. ⁸Chit-gêh-jit-lâi, Goá tū--khì saⁿ ê bók-chiá, in-ūi Goá ê sim iām-chiān in, in ê sim iā khi-hiām Goá. ⁹Goá chiū kóng, Goá bô beh iūⁿ-chhi lín, sí--ê chhut-chāi i sí; bô--khì-ê chhut-chāi i bô--khì; só·-chhun--ê, chhut-chāi in saⁿ-thun-chiáh. ¹⁰Goá kiáh Goá hit-ki Un-hui ê koáiⁿ-á at-chhi i, lâi hoē-bô Goá kap bân peh-siⁿ só·-líp ê iok; ¹¹hit-jit chiū hoē-bô i; khùn-khó· ê iūⁿ òng-bāng Goá--ê, lóng chai che sī Iâ-hô-hoa ê oē. ¹²Goá tui in kóng, Lín nā liáh-choē hó, chiū hō· goá kang-chiⁿ, nā bô, chiū soah; tui án-ni in phêng gūn saⁿ-cháp choē goá ê kang-chiⁿ. ¹³Iâ-hô-hoa ká goá kóng, Tiòh chiong hit-ê hiat hō· sio-hui-lâng, chiū-sī in só· kó· goá koáiⁿ ê kè-chiⁿ; goá chiū thêh hit ê gūn saⁿ-cháp, hiat hō· sio-hui-lâng, tī Iâ-hô-hoa ê tiān. ¹⁴Goá koh at-chhi Goá tē-jī-ki ê koáiⁿ-á, miā choē Liân-lók--ê, lâi hoē-bô Iû-tâi kap Í-sek-liát hiaⁿ-tī ê chêng-gī.

¹⁵Iâ-hô-hoa koh ká goá kóng, Lí koh thêh gōng ê bók-chiá só· ēng hiah ê khi-kū. ¹⁶Khoàⁿ ah, Goá beh tī chit só·-chāi heng-khí chit ê bók-chiá, sit-lòh--ê, i bô beh chhap; sî-soàⁿ--ê, i bô beh chhē; siū-siong--ê, i bô beh i-i; íóng-chòng--ê, i bô beh chhi-i; kan-ta beh chiáh pui--ê ê bah, thiah-lh i ê toē. ¹⁷Bô lō·-ēng ê bók-chiá, khi-sak iūⁿ-kūn--ê, ū chai-ē ah, to beh līm-kàu i ê chhiú, kap i ê chiāⁿ-bák; i ê chhiú beh choân-jian ko·-tâ, i ê chiāⁿ-bák beh o·-o· àm-àm.

12 Iâ-hô-hoa lûn Í-sek-liát bék-sī ê oē. Iâ-hô-hoa thí-khui chiaḥ ê thiⁿ, kiàn-líp toē ê kun-ki, chhòng-chō lāng ê sim-sîn--ê; ²I ê oē kóng, Khoàⁿ ah, Goá beh hō· Iâ-lō·sat-léng choè sî-ûi chiaḥ ê peh-sîⁿ tî-kàu chùi ê poe, Iâ-lō·sat-léng siū ûi-khùn ê sî, Iû-tāi iā beh án-ni. ³Hit-jît Goá beh hō· Iâ-lō·sat-léng tui tī bān peh-sîⁿ chiāⁿ-choè tâng ê chiòh, kîⁿ-nā giā i--ê, beh siū tâng-siong; toē-chhiūⁿ liát-pang beh chū-chíp lâi kong-kek i. ⁴Iâ-hô-hoa kóng, Kàu hit-jît, Goá beh hō· lóng-chóng ê bé kiaⁿ-hiāⁿ, hō· khiā-bé ê lāng tian-kông; Goá beh khoàⁿ-kò· Iû-tāi ke, phah liát-kok it-chhè ê bé, hō· i chhiⁿ-mî. ⁵Iû-tāi ê chók-tiúⁿ, sim-lāi beh kóng, Iâ-lō·sat-léng khiā-khí ê peh-sîⁿ choè goá ê lát; in-ûi in oá-khò in ê Siōng-tè bān-kun ê Iâ-hô-hoa. ⁶Hit-jît Goá beh hō· Iû-tāi ê chók-tiúⁿ, chhin-chhiūⁿ hé-tiāⁿ tī chhâ ê tiong-kan, koh chhin-chhiūⁿ hé-pé tī tiū-khún ê tiong-kan; in beh tī tò-pêng chiāⁿ-pêng sio-biát sî-ûi ê liát-kok; Iâ-lō·sat-léng beh iû-goân tiām-tī pún só·chāi, chiū-sī Iâ-lō·sat-léng. ⁷Iâ-hô-hoa beh tãi-seng chín-kiù Iû-tāi ê pò·pîⁿ, hō· Tāi-pît ê ke ê êng-kng kap Iâ-lō·sat-léng khiā-khí ê peh-sîⁿ ê êng-kng, boē-oē iāⁿ-kè Iû-tāi. ⁸Hit-jît Iâ-hô-hoa beh pó-hō· Iâ-lō·sat-léng khiā-khí ê peh-sîⁿ; in tiong-kan nng-chiáⁿ--ê, tī hit-jît beh chhin-chhiūⁿ Tāi-pît; Tāi-pît ê ke beh chhin-chhiūⁿ Siōng-tè, Chhin-chhiūⁿ tī in thâu-chêng ê Iâ-hô-hoa ê sù-chiá. ⁹Hit-jît, lâi kong-kek Iâ-lō·sat-léng ê liát-kok, Goá tiāⁿ-tiòh ì-sù beh biát i. ¹⁰Goá beh ēng un-hūi kap kî-tó ê sîn, piāⁿ-lòh tī Tāi-pît ê ke, kap Iâ-lō·sat-léng khiā-khí ê peh-sîⁿ; in beh gióng-bōng Goá, chiū-sī in só· chhák--ê; koh beh ūi-tiòh i pi-ai, chhin-chhiūⁿ lāng ūi-tiòh ko·sîⁿ ê kiáⁿ pi-ai; koh ūi-tiòh i iu-khó·, chhin-chhiūⁿ lāng ūi-tiòh toā-

kiáⁿ iu-khó· chít-iūⁿ. ¹¹Tng hit-jît, tī Iâ-lō·sat-léng beh ū toā-toā pi-ai, chhin-chhiūⁿ tī Bí-kiat-to pîⁿ-iūⁿ ê Hap-tát-lîm-bûn ê pi-ai. ¹²Kéng-lāi pi-ai, ták-ke lēng-goā tiām; Tāi-pît chók ê ke lēng-goā tiām, in ê hū-jîn-lāng lēng-goā tiām; Ná-tan chók ê ke lēng-goā tiām, in ê hū-jîn-lāng lēng-goā tiām. ¹³Lī-bī chók ê ke lēng-goā tiām, in ê hū-jîn-lāng iā lēng-goā tiām; Sī-múi chók ê ke lēng-goā tiām, in ê hū-jîn-lāng iā lēng-goā tiām. ¹⁴Kî-û hiah ê ke ták-ke lēng-goā tiām, in ê hū-jîn-lāng iā lēng-goā tiām.

13 Tng hit-jît beh ūi-tiòh Tāi-pît ê ke kap Iâ-lō·sat-léng khiā-khí ê peh-sîⁿ khui chít ê chúi-choāⁿ, soé-tû choē-ok kap lâ-sâm. ²Bān-kun ê Iâ-hô-hoa kóng, Tng hit-jît, Goá beh tui chít ê toē-hng tú-khì ngó·siōng ê miā, bô koh hō· lāng kì-liām; iā beh hō· sian-ti kap ù-oē ê sîn lī-khui chít só·chāi. ³Nā ū lāng chhàm-gú, siⁿ i ê pē-bú beh kā i kóng, Lí boē tit-tiòh oah, in-ûi lí thok Iâ-hô-hoa ê miā kóng pēh-chhát; siⁿ i ê pē-bú tī i chhàm-gú ê sî, beh chiong i chhák-thau. ⁴Hit-jît hiah ê sian-ti, ták-ê tī in chhàm-gú ê sî, beh ūi-tiòh in ê ìⁿ-siōng lâi kiàn-siáu, bô koh chhēng ū mng ê saⁿ lâi phiàn lāng; i beh kóng, Goá m̄-sī sian-ti, goá sī choḥ-sit lāng; goá tui soè-hàn chiū choè lāng ê lô·pók. ⁶Ū lāng beh mng i kóng, Lí nng chhiú ê tiong-kan sī sîm-mh siong ah? I beh in kóng, Che sī goá tī pēng-iú ê ke-tiong só· siū ê siong.

⁷Bān-kun ê Iâ-hô-hoa kóng, To-kiām ah, tiòh khi-lâi kong-kek Goá ê bók-chiá, iā kong-kek hit-ê kap Goá choè tâng-phoāⁿ ê lāng; phah bók-chiá, iūⁿ-kûn chiū sî-soāⁿ; hiah-ê bî-soē--ê, Goá beh oát-túg chhiú kàu tī in. ⁸Iâ-hô-hoa kóng, Chit ê choân-toē ê lāng, nng-hūn beh siū chián-tû lâi sí; chit-hūn beh lâu-

-teh. ⁹Goá beh hō· chit-ê saⁿ-hūn-chit keng-kê hé, thoàn-liân in chhin-chhiūⁿ thoàn-liân gūn, chhi-liân in chhin-chhiūⁿ chhi-liân kim; in beh kiū-kiò Goá ê miâ, Goá beh in in; Goá beh kóng, Che sī Goá ê peh-sìⁿ; in iā beh kóng, Iâ-hô-hoa sī goá ê Siōng-tè.

14 Khoàⁿ ah, Iâ-hô-hoa ê jît beh kàu, lí ê hè-châi beh hō· lāng pun tī lín tiong-kan. ²In-ūi Goá beh chū-chíp bān-kok kap Iâ-lō·sat-léng kau-chiàn; siāⁿ beh siū kong-phoà, chhiū-thêh beh siū chhiūⁿ-kiap, hū-jîn-lāng beh siū lēng-jiók; siāⁿ-lāi ê peh-sìⁿ chit-poàⁿ siū lāng liáh--khì; só· chhun ê peh-sìⁿ iū-goân tī siāⁿ-lāi, bô tì-kàu chián-tū. ³Hit-sī Iâ-hô-hoa beh chhut-khì kap hiah ê kok kau-chiàn, chhin-chhiūⁿ chiong-chêng lîm-tîn ê jît kau-chiàn chit-iūⁿ. ⁴Tng hit-jît, I ê kha beh khiā tī Kaⁿ-ná soaⁿ, chit ê soaⁿ tī Iâ-lō·sat-léng thâu-chêng ê tang-sì; Kaⁿ-ná soaⁿ beh tùi tiong-ng lîh-khui, tùi tang kàu sai, chiāⁿ-choè kék-toā ê soaⁿ-kok; soaⁿ ê chit-poàⁿ î-soá òng-pak, chit-poàⁿ î-soá òng lām. ⁵Lín beh tùi Goá ê soaⁿ-kok-tiong tô-cháu, in-ūi soaⁿ-kok beh thau-kàu A-sat, lín beh tô-cháu chhin-chhiūⁿ Iū-tāi ông O·se-ngá ê nî-kan, ūi-tiòh toē-tāng ê tô-cháu chit-iūⁿ; Iâ-hô-hoa goá ê Siōng-tè beh lîm-kàu, lóng-chóng ê sèng--ê kap Lí lâi. ⁶Hit-jît ê kng, beh m̄-chiāⁿ kng m̄-chiāⁿ àm. ⁷Beh ū chit ê ték-piát jît, sī Iâ-hô-hoa só· chai--ê, m̄-sī jît, iā m̄-sī m̄; kàu ê-hng-sī chiah ū kng. ⁸Hit-jît beh ū oáh-chúi tùi Iâ-lō·sat-léng chhut--lâi; chit-poàⁿ lâu-khì tang-hái, chit-poàⁿ lâu-khì sai-hái; tang-thiⁿ hē-thiⁿ lóng sī án-ni. ⁹Iâ-hô-hoa beh tī choân-toē choè ông; tng hit-jît Iâ-hô-hoa tók-it, I ê miâ iā sī tók-it. ¹⁰Choân-toē tùi Ka-pa kàu Iâ-lō·sat-léng lām-hng ê Lîm-bûn, beh piàn chhin-chhiūⁿ A-láh-pa; Iâ-lō·sat-

léng beh seng-koàiⁿ tiàm tī i ê pún só·-chāi, chiū-sī tùi Piān-ngá-bín ê m̄ng, kàu thau-chit-ê m̄ng ê só·-chāi, koh kàu kak-thau ê m̄ng, iáh tùi Hap-lâm-giáp ê lâu, tit-kàu ông ê chiū-khut. ¹¹Beh ū lāng tiàm tī hit tiong-kan, bô koh ū chiū-chó^o; Iâ-lō·sat-léng beh an-jiân khiā-khí.

¹²Hiah ê liát-kok kap Iâ-lō·sat-léng kau-chiàn--ê, Iâ-hô-hoa beh ēng chit-hō ê chai-ē kong-kek in; in ê kha iáu khiā-teh ê sī, in ê bah beh hiú-noā, bák-chiu beh hiú-noā tī bák-chiu-khang, chíh beh hiú-noā tī chhiū-lāi.

¹³Tng hit-jît Iâ-hô-hoa beh hō· in tiong-kan toā jiáu-loān; in ták-lāng ēng chhiū saⁿ-khiú, koh khi-chhiū saⁿ kong-kek. ¹⁴Iū-tāi iā beh kap Iâ-lō·sat-léng kau-chiàn; hit-sī sī-ūi liát-kok ê hè-châi, chiū-sī kim, gūn, i-chiūⁿ, beh chū-chíp choē-choē. ¹⁵Hit-ê só· beh kàu tī bé, lô, lók-tô, lû, í-kíp iāⁿ-tiong it-chhè ê cheng-siⁿ ê chai-ē, kap chit ê chai-ē chit-poāⁿ-iūⁿ.

¹⁶Só·-ū lâi kong-kek Iâ-lō·sat-léng ê liát-kok chhun ê lāng, beh nî-nî chiūⁿ-lâi keng-pài toā ê Ông, bān-kun ê Iâ-hô-hoa, iā siú Tah-liâu-choeh. ¹⁷Toē-chiūⁿ bān-chók-tiong, kìⁿ-nā bô chiūⁿ Iâ-lō·sat-léng keng-pài toā ê Ông, bān-kun ê Iâ-hô-hoa--ê, beh bô lóh-hō· tī in hia. ¹⁸Ai-kíp chók nā bô chiūⁿ-lâi, beh bô hō· tī in hia; beh ū chai-ē, chiū-sī Iâ-hô-hoa ēng lâi kong-kek hiah-ê bô chiūⁿ-lâi siú Tah-liâu-choeh ê liát-kok-ê. ¹⁹Che chiū-sī Ai-kíp ê hêng-hoát, iā-sī hiah-ê bô chiūⁿ-lâi siú Tah-liâu-choeh ê liát-kok ê hêng-hoát. ²⁰Tng hit-jît, bé ê hām-léng beh khek-jī kóng, Choè sèng kui tī Iâ-hô-hoa; Iâ-hô-hoa tiān-lâi ê e, beh chhin-chhiūⁿ toāⁿ-chêng ê óaⁿ. Kìⁿ-nā Iâ-lō·sat-léng kap Iū-tāi ê e, lóng beh choè-sèng kui bān-kun ê Iâ-hô-hoa; kìⁿ-nā hiàn-chè--ê, lóng beh ēng chiah ê e, chú-bah tī hit lâi-bīn;

tng hit-jít, tī bān-kun ê Iâ-hô-hoa ê tiān-lāi,
bô koh ū Ka-lâm lāng.